

Таъкидланган суннатлар | Ҳадис дарслари (345-дарс)



19:00 / 10.09.2025 1463

???? ?????? ??????? ?????? ?????? ??????? ??????:

????????? ?????? ?????????? ?????? ??????? ?????? ??????????

????????????? ??????? ?????????????? ?????????????????? ???????

????????????? ?????????????????? ??????????????

????????????????????? ??????? ?????????????????? ??? ???????????

????????????????????? ??????? ?????????????????? ??? ???????????

????????????????????? ??????? ?????????? ??????????????

????????? ???????? ??? ?????????? ?????? ?????????????
??????? ?????? ?????????? ????????????? ???????.

Ибн Умар розияллоҳу анҳудан ривоят қилинади:

«Расулуллоҳ соллаллоҳу алайҳи васалламдан ўн рақъатни ёдлаб олдим: Пешиндан олдин икки рақъат, ундан кейин икки рақъат. Шомдан кейин уйларида икки рақъат. Хуфтондан кейин икки рақъат уйларида. Бомдод намозидан олдин икки рақъат. Бу Набий соллаллоҳу алайҳи васалламнинг олдиларига кирилмайдиган пайт эди».

Шарҳ: Шофеъий ва Ҳанбалий мазҳаблари шу ривоятга амал қиладилар. Ундан суннат намозни уйда ўқиш афзал эканлиги келиб чиқади.

«У соатда Набий соллаллоҳу алайҳи васалламнинг олдиларига кирилмас эди».

Чунки у зот бу пайтда ибодат ила машғул бўлур эдилар.

????????? ??????: ????????????? ?????? ????????????????? ???????
?????? ?????????????? ?????????????? ???????? ??????????????
????????????????????? ?????????????????? ?????????????????????
????????????? ?????????????????? ?????????????????????? ??????????????
????????????????? ?????????????????????? ?????????????? ??????????????????
????????????????????????? ?????????????????? ?????????????? ??????????????????
????????????????????????? ?????????????? ?????????????????? ??????????????????

Оиша розияллоҳу анҳодан ривоят қилинади:

«Набий соллаллоҳу алайҳи васаллам Пешиндан олдинги тўрт ракъатни ва Бомдоддаги икки ракъатни ҳеч қўймас эдилар».

Ушбу уч ҳадисни бешовлари ривоят қилганлар.

Шарҳ: Ушбу учта ҳадисда зикр қилинган намозлар таъкидланган суннат намозлардир. Фақат Пешиндан олдинги суннатнинг сони икки хил. Иккисини ҳам Пайғамбаримиз соллаллоҳу алайҳи васаллам ўқиганлар. Тўрт ракъатлисини Ҳанафийлар, икки ракъатлисини бошқа мазҳаблар олганлар.

Хулоса қилиб айтадиган бўлсак, таъкидланган суннат намозларига Ҳанафий мазҳаби алоҳида эътибор бериб, Пайғамбар алайҳиссаломнинг суннатларидан ҳужжатлар келтирганлар.

У зот баъзи вақтларда суннат намознинг қазосини ўқиганлари ҳақида ривоятлар ҳам бор.

Шунингдек, «Сафарда юриб кетатётиб, суннатни ўқиш имкони бўлмаса, ўқимаса, майли. Аммо тўхтаб турганда ўқилади», деганлар.

«Ҳадис ва ҳаёт» китобининг 5-жузи

Ўзбекистон Республикаси Дин ишлари бўйича қўмитанинг 2024 йил 23 январдаги 03-07/362-рақамли хулосаси асосида тайёрланди.